

NIIGAAAN JI-IZHAANG

GII-OZHICHIGAADEBAN WIINDAMAAGEWIN OWE E-IZHINIKAADeg **GAAWIIKAA ONIZHISHINZINOON: GAGWE-GIBITINIGAADe ININIWAG GII-ZEGI'AAWAAD IKWEWA.** AMII DASH EZHICHIGEYAANG OMAA ONTARIO JI-GAGWE-DEBINAMAANG BIZANIGO IKWEWAG JI-MINO-BIMAADIZIWAAD GEWIINAWAA, MEMWAACH JI-GOTAAJISIGWAA JI-ODITININDWAA. ONO NIN-GAGWE-IZHICHIGEMIN:

- 1 Ji-biindigajigaadeg ge-onji-zoongak inakonigewin ge-ikidoomagak ininiwag gaa-nitaa-maanenimaawaad ikwewan ji-gibitinigeaade iwe dinookaan inendamowin-gaa-dananokiiwaad ikwewag, gaye gaa-dizhi-gikino'amawindwaa ikwewag, gaye gaa-izhidaawaad ikwewag gaye bizaanigo ji-dibaakoniaawaapan awiyan gaa-maanzhi-doodaagowaa iwe inake.
- 2 Ji-ozhichigaadegin ge-waabanjigaadegin miziwe omaa Ontario ji-gikenjigaadeg biinish e-onizhishinzinog owe dinookaan inendamowin gii-baapinenjigaazod ikwe, gotaajiwag aaniish ikwewag ji-oditinindwaa gii-babaa-danakamigiziwaad, weweni ji-inenimindwaa ikwewag waasa niigaan ani-akiiwang.
- 3 Ji-ozhichigaadegin ge-aabadakin ji-onji-wiiji'iwewaad dakoniwewininiwag ji-aanike-wiiji'aawaad ikwewa' gaa-gii-oditinimind, ji-dibaajimowaad gaa-gii-doodawindwaa. Amii aaniish ezhiseg ikwewag e-ikidosigwaa gaa-gii-izhisewaad gaawiin n-ga-debwetaagoosiimin e-inendamowaad.
- 4 Ji-zoongichigaadeg iwe gii-wii-dibaakoniwed ikwe gaa-gii-oditinind. Apii gii-izhaad dibaakonigewigamigong, ji-onji-minosewaad igi godag ikwewag naasaab gaa-izhisewaad.
- 5 Ji-minobii'igaadegin gaa-biminizha'igaadegin gikino'amaadiwigamigong ji-gikendamowaad gikino'amawaaganag 1 - 12 gaa-akoshkaawaad ji-nisidotamowaad aaniin ge-izhi-mino-wiijiwidiwaad ininiwag gaye ikwewag.
- 6 Ji-biindigajigaadeg inakonigewin ishpi-gikendaasoowigamigong ji-wiidanokiimaawaad gikino'amawaagana' ji-ozhitoowaad inakonigewinan. Gaye gikino'amaagewin, ayaangwaamiziwin daa-anokaajigaadewan gaye aaniin ge-izhichigeng giishpin awiya gaa-maanzhidoodawind wii-dibaakoniwed gaye ge-izhi-wiiji'indiban gegoon izhised.
- 7 Ji-zoongichigaadeg ji-izhi-wiiji'iwewaad igi gaa-anokiiwaad aakoziwigamigong gaa-wiidookawaawaad ini gaa-gii-oditinimind ikwewa', ji-ayaawaad imaa endaso-giizhig gaye gii-dibikag gaye, ji-wiiji'aawaad ini ikwewa'.

(Geyaabi baakiiginan)

- 8** Ji-ozhichigaadegin ge-onji-aanjiike-minochigewaad igi anokiimaaganag aakoziwigamigong gaa-waabamaawaad nitam ini ikwewa' gaa-gii-oditinimind, nawach weweni ji-gaganoonaawaad, gaye ji-wiiji'aawaad, ji-gikino'amawindwaa aaniin ge-ayizhiiwaad nawach ji-wawiingeziwaad odanokiiwiniwaang.
- 9** Ji-debinind geyaabi zhooniyaa ge-aabadizid ji-bimiwijigaadegin ono dinookaanan waakaa'iganan ge-apa'iwepan ikwe gaa-gii-oditinind.
- IO** Ji-oshki-ozhichigaadeg izhichigewin ge-izhi-wiiji'iwepan dibaakonigewinini gemaa dibaakonigewikwe ji-wiiji'aad ini ikwewan gaa-gii-oditinimind wii-dibaakoniwenid dash.
- II** Ji-ozhichigaadeg ge-dazhinjigaadegibaniin owe omaa Ontario ji-niigaaniing omaa Kaanada ji-gibitinigaadeg gii-maanzhidoodawindwaa ikwewag.
- I2** Ji-zoongichigaadegin inakonigewinan gaa-dananokiing ji-wiiji'indwaa igi gaa-anokii'iwewaad ji-biminizha'igaadegin inakonigewinan bizaanigo ji-anokiiwaad ikwewag ji-gotaajisigwaa.
- I3** Ji-ozhi'ind zhooniyaa ge-aabadizid ji-diba'amawindwaa mamazinibii'igeg ji-ozhitoowaad gegoonan ge-aabadakin ji-onji-dazhinjigaadeg owe, ji-ani-gikenjigaadeg gaawiin e-onizhishinzinog ji-oditinindwaa ikwewag, ji-bizindawindwaa ikwewag, gaye nawach ji-gichi-inenimindwaa gaawiin wiin ji-dabasenimindwaa.

GIISHPIN ANDAWENDAMAN JI-WIJI'OGOOYIN, **211** IZHI-GIIGIDON GEMAA **211.CA** IZHI-MAAMAAGONIGEN JI-AGINDAMAN GEGOO.

GIISHPIN GIIYAABI WII-GIKENDAMAN GEGOO OWE ONJI, **ONTARIO.CA/ITSNEVEROKAY** IZHI-MAAMAAGONIGEN.